

Ne postoje nikakva ograničenja u prijenosu trezorskih zapisa.

V.

Prodaja trezorskih zapisa vrši se putem aukcije na SASE po metodi višestrukih cijena.

Iznos diskontne cijene trezorskih zapisa izračunava se na godišnjem nivou po formuli:

$$C = 100 - \frac{100 * d * i}{365 + d * i}$$

C = diskontna cijena

d = broj dana do dospijeća i

i = kamatna stopa / 100

Diskontna cijena na ponudi iskazuje se na četiri decimalna mjesta.

Diskontovana vrijednost ponude predstavlja proizvod diskontne cijene i količine trezorskih zapisa koje učesnik na aukciji namjerava da kupi.

VI.

Ministarstvo zadržava pravo da prihvati ponudu u cjelini, djelimično ili da odbije sve ponude za kupovinu.

VII.

Vlasništvo nad trezorskim zapisima stiće se na dan poravnanja upisom trezorskih zapisa na odgovarajuće račune vrijednosnih papira koji se vode kod RVP i vlasniku daje pravo naplate nominalne vrijednosti na dan dospijeća trezorskog zapisa.

Sredstva za izmirenje obaveza iz stava (1) ove tačke osigurat će se iz Budžeta Federacije Bosne i Hercegovine.

VIII.

Trezorski zapisi iz tačke II. ove odluke mogu se otkupiti prije roka njihovog dospijeća.

IX.

Poslove po osnovu emisije trezorskih zapisa obavlja Ministarstvo. Ministarstvo zaključuje ugovor sa SASE, bankom depozitarom i agentom emisije o obavljanju poslova u emisiji trezorskih zapisa.

X.

Aukcija trezorskih zapisa na primarnom tržištu obavlja se preko aukcijske platforme berzanskog trgovinskog sistema (u daljem tekstu: BTS) SASE u periodu od 9:00 do 13:00 sati osim ako u javnom pozivu nije drugačije naznačeno.

Ponude za kupovinu trezorskih zapisa unose se u BTS kao kupovni nalozi u periodu od 9:00 do 10:00 sati i u tom periodu dozvoljene su izmjene cijene i količine iz kupovnog naloga kao i povlačenje kupovnih naloga.

Ponuda za prodaju trezorskih zapisa unosi se kao prodajni nalog u BTS u periodu od 10:00 do 13:00 sati.

XI.

Nakon obavljenog poravnanja RVP registruje trezorske zapise u skladu s ugovorom i o tome obavještava SASE i Ministarstvo.

Na osnovu izvještaja RVP o registraciji, Ministarstvo dostavlja zahtjev SASE za uvrštavanje trezorskih zapisa na Kotaciju SASE.

XII.

Za realizaciju ove odluke, izvještavanje o nastaloj obavezi za Federaciju i poduzimanje ostalih aktivnosti u vezi s emisijom trezorskih zapisa zadužuje se Ministarstvo.

XIII.

Ova odluka stupa na snagu narednog dana od dana objavljivanja u "Službenim novinama Federacije BiH".

V. broj 447/2015
14. aprila 2015. godine
Sarajevo

Premijer
Fadil Novalić, s. r.

FEDERALNO MINISTARSTVO POLJOPRIVREDE, VODOPRIVREDE I SUMARSTVA

558

Na temelju članka 7. stavak 6. Zakona o gospodarskim društvima ("Službene novine Federacije BiH", br. 23/99, 45/00, 2/02, 6/02-Isp., 29/03, 68/05, 91/07, 84/08, 88/08-Isp., 7/09-Isp., 63/10 i 75/13), federalni ministar poljoprivrede, vodoprivrede i šumarstva donosi

PRAVILNIK O MINIMALNIM TEHNIČKO-TEHNOLOŠKIM I KADROVSKIM UVJETIMA ZA PROIZVODNJU KAKAA, ČOKOLADNIH PROIZVODA, PROIZVODA SLIČNIH ČOKOLADI, KREM PROIZVODA I BOMBONSKIH PROIZVODA

I - OPĆE ODREDBE

Članak 1.

Ovim pravilnikom uređuju se uvjeti koje mora ispunjavati pogon za proizvodnju kakaa, čokoladnih proizvoda, proizvoda sličnih čokoladi, krem proizvoda i bombonskih proizvoda (u daljnjem tekstu: proizvodnja čokolade, krema i bombona) u pogledu prostora, opreme i stručnog kadra, sadržaj, oblik i način vođenja registra proizvođača čokolade, krema i bombona (u daljnjem tekstu: proizvođači čokolade, krema i bombona); te postupak donošenja rješenja o registraciji, na teritoriji Federacije Bosne i Hercegovine.

Članak 2.

Pod pogonima za proizvodnju čokolade, krema i bombona (u daljnjem tekstu: pogon za proizvodnju) smatraju se svi objekti koji su registrirani za djelatnost proizvodnje čokolade, krema i bombona koji ispunjavaju uvjete propisane ovim pravilnikom.

Članak 3.

Kakao, čokoladni proizvodi, proizvodi slični čokoladi, krem proizvodi i bombonski proizvodi su proizvodi koji se na tržište stavljaju pod nazivom kako je to propisano Pravilnikom o kakau i čokoladnim proizvodima ("Službeni glasnik BiH", broj 51/11) i Pravilnikom o proizvodima sličnim čokoladi, krem proizvodima i bombonskim proizvodima ("Službeni glasnik BiH", broj 78/12).

Članak 4.

Svi proizvođači čokolade, krema i bombona moraju osigurati sve mjere protupožarne zaštite i zaštite na radu sukladno važećim propisima kojima je regulirana ta oblast.

II - MINIMALNI TEHNIČKO-TEHNOLOŠKI I KADROVSKI UVJETI 1. Opći uvjeti

Članak 5.

Djelatnost proizvodnje čokolade, krema i bombona može se obavljati isključivo u objektima koji imaju uporabnu dozvolu za objekat i koji u pogledu prostora, opreme i stručnog kadra ispunjavaju minimalne tehničko-tehnološke i kadrovske uvjete.

Članak 6.

- (1) Krug pogona za proizvodnju, sačinjavaju zemljište, zgrade i prateći objekti koji služe za potrebe proizvodnje i isti mora biti ograđen odgovarajućom ogradom.
- (2) Putevi u krugu moraju biti izgrađeni od čvrstog materijala.

Članak 7.

- (1) Pogon za proizvodnju mora biti priključen na centralnu ili lokalnu vodovodnu mrežu. U mjestima gdje to nije mora se osigurati drugi način snabdijevanja higijenski ispravnom vodom.

- (2) Pogon iz stavka 1. ovoga članka mora biti priključen na gradsku kanalizacionu mrežu, a tamo gdje ona nije izgrađena, na odgovarajuće septičke jame.
- (3) Pogon iz stavka 1. ovoga članka mora biti priključen na električnu mrežu.

2. Prostor

Članak 8.

- (1) Pogon za proizvodnju, a u ovisnosti od vrste gotovog proizvoda i kapaciteta prerade, mora imati prostor ili prostoriju za:
- skladište sirovina i repromaterijala,
 - skladištenje gotovih proizvoda,
 - skladište ambalaže.
 - Proizvodni dio:
 - za pripremu sirovina,
 - za izradu poluproizvoda i gotovog proizvoda,
 - za pakiranje.
 - sanitarni blok sa garderobom.
 - prostoriju za odmor radnika i kancelarije.
 - laboratorij za fizičko-kemijske i mikrobiološke analize ili sklopljen ugovor sa ovlaštenom laboratorijom koja će vršiti mikrobiološku kontrolu kakvoće.
- (2) Skladište gotovih proizvoda može biti dislocirano izvan kruga pogona za proizvodnju, ali mora biti registrirano kao sastavni dio registrirane djelatnosti za koje važe uvjeti iz ovoga pravilnika.

Članak 9.

Prostorije i prostor u krugu pogona za proizvodnju mogu se koristiti samo u svrhu za koju su namijenjene.

Članak 10.

- (1) Prostor ili prostorije objekta iz članka 8. stavak 1. toč. a), b), c) i d) ovoga pravilnika moraju veličinom i tehničkim uvjetima odgovarati vrsti i kapacitetu proizvodnje.
- (2) U prostorijama objekta namijenjenim za skladištenje sirovina, repromaterijala i gotovog proizvoda, smještaj i čuvanje se vrši odvojeno prema vrsti i podrijetlu sirovina i proizvoda.
- (3) Police i palete na kojima se vrši skladištenje moraju biti na dovoljnoj udaljenosti od zidova da se omoguću nesmetan prolaz i čišćenje.
- (4) U skladištima se ne smiju nalaziti materijali koji se ne koriste u proizvodnom procesu.
- (5) Visina prostorija za pripremu i proizvodnju mora biti najmanje 3,00 m i na ulazu u prostorije moraju biti postavljene dezbarijere.
- (6) Visina prostorija za skladištenje sirovina, repromaterijala i gotovog proizvoda i sanitarnih prostorija mora biti najmanje 2,50 m.

Članak 11.

Materijali koji služe za pranje i dezinfekciju pogona za proizvodnju moraju se skladištiti u posebnim prostorima ili drugim prostorijama, a nikako zajedno sa sirovinama i gotovim proizvodima ili u proizvodnim prostorima.

Članak 12.

Za vrijeme proizvodnog procesa ne smije biti istovremenog ukrštanja puteva tehnološkog procesa sa putevima sirovine, repromaterijala, ambalaže i otpada nastalog u procesu proizvodnje.

Članak 13.

- (1) Sve prostorije u pogonu za proizvodnju moraju ispunjavati opće i higijenske uvjete i to:

- biti zaštićene od ulaska glodara i insekta, kao i od svakog utjecaja okoline koji bi mogao imati štetne posljedice na higijensku ispravnost proizvoda;
- podovi moraju biti izgrađeni od takvog materijala, koji je otporan na sredstva za pranje, da se lako čisti, da je otporan na habanje, ne smije biti klizav i mora imati pad prema slivnicima, a slivnici moraju biti podešeni tako da ne omogućavaju povratak neprijatnih mirisa iz kanalizacije (sifoni);
- zidovi proizvodnih prostorija, moraju biti obloženi keramičkim pločicama bijele ili svijetle boje ili drugim vodonepropusnim materijalom u visini minimalno 1,60 metara, koji se lako čisti a plafoni moraju biti ravni, neoštećeni i obojeni svijetlom bojom;
- prozori moraju imati okvire od materijala koji se lako održava, da nisu podložni plijesnima, da donja ivica zidnog dijela okvira prozora bude nagnuta prema podu pod uglom najmanje od 25°, svi prozori koji se otvaraju moraju imati zaštitne mreže protiv ulaska insekta;
- vrata moraju biti izrađena od materijala koji se lako održava, da nisu podložna plijesnima, a ako su izrađena od drveta moraju biti u dnu okovana nehrđajućim limom najmanje u visini od 30 cm, a pragovi, ako postoje, moraju biti od čvrstog materijala;
- prostorije moraju imati odgovarajući intenzitet prirodnog ili vještačkog osvjetljenja sukladno važećim propisima kojima je regulirana ova oblast, a svjetiljke moraju biti sa odgovarajućom zaštitom i postavljene tako da se u slučaju prskanja sijalica onemoguću dolazak dijelova stakla u proizvod;
- da imaju odgovarajuću prirodnu ili vještačku ventilaciju koja će osigurati da ne dolazi do kondenzacije vlage ili sakupljanja prašine i drugih štetnih materija, te da je sustav ventilacije tako konstruiran da sadrži filtere i druge dijelove koji moraju biti lako dostupni za čišćenje i/ili njihovu zamjenu;
- prostorija mora imati izvode tople i hladne vode na pogodnom mjestu;
- umivaonik sa toplom i hladnom vodom za pranje ruku, sredstva za pranje ruku i higijensko sušenje.

Članak 14.

- (1) U sklopu sanitarno-higijenskih prostorija moraju biti garderoba, tuševi i toaleti koji moraju biti odvojeni predprostorom (sa dezbarijerom) od proizvodne prostorije, te posebno odvojeni za muškarce i za žene.
- (2) Svaki radnik mora imati osiguran garderobni ormarić sa ključem, a za svakih 10 radnika jedan tuš, toalet i umivaonik sa toplom i hladnom vodom za pranje ruku, sredstva za pranje ruku i higijensko sušenje.
- (3) Zidovi i pod prostorija iz stavka 1. ovoga članka moraju biti obloženi materijalom glatke i nepropusne površine u visini minimalno 1,60 metara.

Članak 15.

- (1) Laboratorija mora biti u zasebnom dijelu objekta, isključivo namijenjenom za kontrolu kakvoće čokolade, krema i bombona.
- (2) Laboratorija mora biti zaštićena od prašine i vibracija, te da sadrži minimum opreme za navedene analize iz članka 8. stavak 1. točka g) ovoga pravilnika.
- (3) Sva oprema mora biti redovito baždarena, servisirana i kontrolirana, o čemu je pravna osoba dužna voditi odgovarajuću evidenciju.

- (4) Zidovi i podovi prostorija laboratorije moraju biti obloženi keramičkim pločicama bijele ili svijetle boje u visini minimalno 1,60 metara.

3. Oprema

Članak 16.

Pogon za proizvodnju, u ovisnosti od vrste gotovog proizvoda, kapaciteta prerade i tehnologije proizvodnje, mora imati najmanje slijedeću odgovarajuću opremu:

- za pripremanje sirovine,
- za proizvodnju poluproizvoda i gotovih proizvoda (sa uređajem za održavanje i praćenje temperature),
- za transport u pogonu,
- za pakiranje,
- za laboratoriju,
- za pranje i dezinfekciju.

Članak 17.

- Ukoliko ne posjeduje opremu za mikrobiološku analizu, proizvođač je dužan angažirati ovlaštenu laboratoriju koja će vršiti kontrolu kakvoće proizvodnje i gotovih proizvoda sukladno članku 8. stavak 1. točka g) ovoga pravilnika.
- Tijekom proizvodnje mora biti osigurana stalna dnevna fizičko-kemijska kontrola kakvoće sirovina, poluproizvoda i gotovih proizvoda, kao i evidencija iste.

Članak 18.

- Mašine i oprema u pogonima za proizvodnju moraju ispunjavati slijedeće uvjete:
 - mašine i oprema koja dolazi u doticaj sa sirovinom i poluproizvodom i gotovim proizvodom u proizvodnji moraju biti izrađene od čvrstog bezmirisnog, netoksičnog materijala otpornog na koroziju koji ne stupa u reakciju sa bilo kojim sastojkom u procesu proizvodnje ili sredstvom za pranje i dezinfekciju;
 - površina opreme mora biti glatka bez neravnina, udubljenja, pukotina ili bilo kakvih oštećenja i da omogućava lako i odgovarajuće higijensko održavanje;
 - pomoćni pribor mora biti izrađen od bezmirisnog, netoksičnog materijala otpornog na koroziju tako konstruiran da omogućava brzo i efikasno čišćenje.

4. Kadrovski uvjeti

Članak 19.

- U pogonima za proizvodnju moraju biti zaposlena najmanje 2 (dva) radnika u stalnom radnom odnosu, od kojih jedan treba imati završen VII stupanj prehrambeno-tehnološkog smjera, odnosno visoko obrazovanje drugog ciklusa (koji se vrednuje sa 240 ECTS bodova) Bolonjskog sustava studiranja, a drugi završen III ili IV stupanj poljoprivredno-prehrambenog, kemijsko-tehnološkog ili drugih srodnih smjerova.
- Poslove rukovodioca laboratorije iz članka 8. stavak 1. točka g) ovoga pravilnika može obavljati samo zaposlenik sa višom ili visokom stručnom spremom kemijske, prehrambeno-tehnološke ili poljoprivredne struke.
- Svi uposleni, koji na bilo koji način dolaze u dodir sa sirovinom, poluproizvodom ili gotovim proizvodom, moraju biti nadzirani i obučeni u oblasti higijene prehrambenih proizvoda srazmjerno njihovim radnim aktivnostima o čemu mora postojati pismeni dokaz.

III - NAČIN I POSTUPAK IZDAVANJA RJEŠENJA O ISPUNJAVANJU UVJETA ZA OBAVLJANJE DJELATNOSTI

Članak 20.

- Proizvođač čokolade, krema i bombona podnosi Federalnom ministarstvu poljoprivrede, vodoprivrede i

šumarstva (u daljnjem tekstu: Federalno ministarstvo) zahtjev za utvrđivanje minimalnih tehničko-tehnoloških i kadrovskih uvjeta za obavljanje djelatnosti proizvodnje čokolade, krema i bombona.

- Uz zahtjev iz stavka (1) ovoga članka, proizvođač čokolade, krema i bombona je dužan priložiti: opis tehnološkog postupka, spisak i dispoziciju opreme.

Članak 21.

- Ispunjavanje uvjeta propisanih ovim pravilnikom utvrđuje Povjerenstvo koje formira federalni ministar poljoprivrede, vodoprivrede i šumarstva (u daljnjem tekstu: federalni ministar). Povjerenstvo se sastoji od tri člana i čine ga predstavnici Federalnog ministarstva.
- Na zahtjev članova povjerenstva mogu se angažirati i drugi eksperti iz predmetne oblasti.
- Povjerenstvo uvidom na licu mjesta zapisnički konstatuje ispunjenost minimalnih tehničko-tehnoloških i kadrovskih uvjeta za obavljanje djelatnosti proizvodnje čokolade, krema i bombona.
- Na temelju zapisnika i mišljenja Povjerenstva, federalni ministar donosi rješenje o ispunjavanju minimalnih tehničko-tehnoloških i kadrovskih uvjeta za obavljanje djelatnosti proizvodnje čokolade, krema i bombona (u daljnjem tekstu: rješenje), te jedan primjerak rješenja dostavlja mjerodavnom kantonalnom ministarstvu.
- Rješenje kojim je utvrđeno da proizvođač čokolade, krema i bombona ispunjava minimalno tehničko-tehnološke i kadrovske uvjete za obavljanje djelatnosti proizvodnje čokolade, krema i bombona važi 5 (pet) godina od dana njegovog donošenja. Proizvođač čokolade, krema i bombona dužan je Federalnom ministarstvu podnijeti novi zahtjev za utvrđivanje ispunjenosti propisanih uvjeta najkasnije tri mjeseca prije isteka roka važećeg rješenja, te uz zahtjev priložiti dokumentaciju iz članka 20. stavak (2) ovoga pravilnika.
- Proizvođač čokolade, krema i bombona kojem je izdato rješenje i koji je upisan u Registar proizvođača čokolade, krema i bombona dužan je svaku promjenu vezanu za prostor, opremu i kadar prijaviti Federalnom ministarstvu u roku od 30 dana od dana nastale promjene.
- Troškovi postupka utvrđivanja propisanih uvjeta utvrđuju se posebnim aktom koji donosi federalni ministar.

IV - VOĐENJE REGISTRA

Članak 22.

Federalno ministarstvo proizvođače čokolade, krema i bombona upisuje u Registar iz članka 21. stavak (6) ovoga pravilnika koji se vodi u obliku knjige, format A4, na obrascu broj 1. koji se nalazi u privitku ovoga pravilnika i čini njegov sastavni dio.

V - PRIJELAZNE I ZAVRŠNE ODREDBE

Članak 23.

Svi proizvođači koji obavljaju djelatnost proizvodnje čokolade, krema i bombona dužni su usuglasiti svoje poslovanje sa odredbama ovoga pravilnika najkasnije u roku od šest mjeseci od dana stupanja na snagu ovoga pravilnika i u ovom roku pribaviti Rješenje Federalnog ministarstva o ispunjavanju minimalno tehničko-tehnoloških i kadrovskih uvjeta za obavljanje djelatnosti proizvodnje čokolade, krema i bombona.

Članak 24.

Ovaj pravilnik stupa na snagu narednog dana od dana objave u "Službenim novinama Federacije BiH".

Broj 03-4-18/1-3553-1/14
03. travnja 2015. godine
Sarajevo

Ministar
Mr. sci. **Šemsudin Dedić**, v. r.

Obrazac br. 1.
PRIVITAK

Bosna i Hercegovina Federacija Bosne i Hercegovine Federalno ministarstvo poljoprivrede, vodoprivrede i šumarstva REGISTAR PROIZVOĐAČA ČOKOLADE, KREMA I BOMBONA
--

Sadržaj Registra proizvođača čokolade, krema i bombona

Redni broj	Datum upisa u registar	Proizvođači čokolade, krema i bombona	Broj i datum rješenja o sudskoj registraciji	Broj i datum rješenja o ispunjenosti uvjeta	Kapacitet pogona za proizvodnju čokolade, krema i bombona	Broj uposlenih	Napomena
1	2	3	4	5	6	7	8

Uputa za popunjavanje obrasca broj 1.

1. U rubriku broj 1. se arapskim brojem upisuje broj pod kojim je prijava proizvođača čokolade, krema i bombona upisana po redoslijedu.
2. U rubriku broj 2. upisuje se datum upisa u Registar.
3. U rubriku broj 3. prepisuju se podaci o proizvođaču čokolade, krema i bombona iz prijave.
4. U rubriku broj 4. prepisuju se podaci o sudskoj registraciji proizvođača čokolade, krema i bombona iz prijave.
5. U rubriku broj 5. prepisuju se podaci iz rješenja o ispunjavanju minimalnih tehničko-tehnoških i kadrovskih uslova za obavljanje djelatnosti proizvodnje čokolade, krema i bombona.
6. U rubriku broj 6. prepisuju se podaci o kapacitetu pogona za proizvodnju čokolade, krema i bombona iz prijave.
7. U rubriku broj 7. upisuje se podaci o broju uposlenih.
8. U rubriku broj 8. upisuje se podaci koji su važni za upis u Registar proizvođača čokolade, krema i bombona a nisu upisani u ostale rubrike.